
AMIAMOKO EDO ZIGOÑIA ORDUÑA'N

Ez dozue iñoz entzun, len, antxiña ez dala, 1951n. urtera arte, amiamokoak deritxen egazti aundiak etorten zirala, Bizkaian uri izena daroan erri bakarrera, Orduña'ra?

Azkenengo amiamokoen edo zigoñien abia aize indartsu batek bota eban eta auzo aretako talde ekin-tzaille batek, 30 urte dirala, euren eskuakaz egindako abi-antzeko bat ipiñi eban Udaletxeko torrearen gainlurrean eta agertu dira barrero esandako txori aundiok.

Orain, zigoñia-zaleak beste abi bardin bat egin gura dabe bidalgo-etxeko gallurraren gainean.

Jakingarria da egin daben amiamoko edo zigoñia-abia zelakoa dan: Biribilla, metro biko ardatza dauana, 90 kiloko astutasuna, sarats, basuntz, txopo ta ola-koz eundua, burdin-ariz sendotuta.

Amiamokoak ekarteko, dana dago oillo-korotzez nastauta.

Ori egin gura izan eben San Juan Eleizako torrean, baiña Bizkai'ko Gotzaiñak ez eutsen baimenik emon, arduraz barriztaua zan eta 30 milloi pezeta kosta zan konponketa zapuztu ez egien.

* * *

Baiña Larrieta ta Fernandez'tar Felix'ek bekokia illundu eta auxe esan eban: `Bildur naz abi aundi ori lar beeregi geratuko ete dan. Txori itzalezko aundi orreik ikuspegi aundia daukon tokia nai dabe eta ez dau nai izaten eurak baiño gorago iñor egoterik. Non ikusi da amiamokoak abia egiten dabela gizonak bizi diran lekuetan?

35 urtean Bilbao'ko Etxebarria altzairu olan lan eginda gero, zartzaro aurreratua artuta, bere buru-ausstea Amiamokoak edo zigoñak Orduña'ra etorri daitezela izan da.

"Zeregin au kirol eta jolas baten antzera artu dot" diño berak.

Eskerrak bere alegiñari eta beste iru neke-laguneri, Udaletxeko gaillurra zigoña zuri bikote batek apainduta agertzen da.

Ainbeste balio jakon eskuz egindako abira, azkenez, joan dan urterillean sartu da zigoñea. Lenengo, arantz, onantz, an, emen, ibilli da eta azkenean etxun da.



Ordisña Udaletxearen ganean, illabete edo bi dirala, zigoñia'k bikote abia egiten.

Egun batzuk an igaro ondoren, goizalde baten, ikaragarriko ego luzeak zabaldua, Orduña erriko enparantza-gaiñean agur egin eban eta zeru-muga urdiñetik aldendu zan.

Baiña ez galdu itzaropena!

Gerotxuago barrero agertu zan eta orain, zorionez, lagun bategaz, bikotea eginda, iraupena izan daiten.

Itzaropen ori ez da Orduña'rako bakarrik! Bizkai eta Euzkadi osorako be bai!

EGILUZE